



Cambios no IVE do comercio electrónico da Unión Europea:

O portelo único a partir do 1 de xullo de 2021.

Historicamente, o IVE e os seus sistemas tiveron dificultades para adaptarse aos cambios no patrón de consumo (recentemente magnificado nun mundo post-Covid-19). Isto inclúe o cambio continuo das tendas tradicionais ás de comercio electrónico. Por iso, a Comisión Europea e os distintos estados membros da UE queren gravar as subministracións B2C (business to customer polas súas siglas en inglés) alí onde se produza o consumo, independentemente do lugar onde se transmitan fisicamente os bens ou onde estea establecido o provedor.

Calquera empresa que venda bens aos consumidores na Unión Europea terá que entender e aplicar estas importantes novas normas a partir do día 1 de xullo de 2021.

De que se trata?

A Unión Europea (UE) introduciu novas normas do IVE en relación co comercio electrónico. Todas as empresas que vendan produtos a consumidores da UE, tanto se están establecidas na UE como fóra dela, terán que entender e aplicar as novas normas a partir do día 1 de xullo de 2021. Este documento informativo ofrece unha visión xeral dos principais cambios.

Orixinalmente, os cambios na lexislación da UE sobre o IVE debían introducirse a partir do día 1 de xaneiro de 2021. Con todo, a UE decidiu a finais do ano pasado que a pandemia de Covid-19 era unha prioridade maior para os estados membros. Polo tanto, a data de aplicación aprazouse ao día 1 de xullo de 2021.

A xustificación dos cambios é superar as barreiras ás vendas transfronteirizas en liña e, en particular, abordar os desafíos que xorden dos réximes do IVE:

- As vendas de bens a distancia; e
- a importación de envíos de baixo valor.

Coa normativa anterior, as empresas que vendían bens a consumidores doutros estados membros debían rexistrarse a efectos do IVE nese estado membro cando o volume de negocios superaba un determinado límite.

Isto supoñía importantes cargas administrativas e impedía o crecemento do comercio en liña. Así mesmo, a existencia dunha exención para as importacións de baixo valor daba lugar a prácticas abusivas que repercutían nos ingresos dos estados membros. No antigo esquema, os provedores non establecidos na UE podían subministrar bens aos consumidores da UE sen pagar o IVE, cando os bens non superaban o límite do IVE á importación de baixo valor de 22 euros. Deste xeito, existía unha clara vantaxe competitiva que prexudicaba aos provedores dos mesmos bens establecidos na UE.

Novas normas

Para combater estes problemas, a UE lexislou algúns cambios importantes no IVE. Entre eles atópanse:

A ampliación do mini portelo único (MOSS) a outros servizos B2C e ás vendas a distancia intracomunitarias de bens.

- Supresión dos actuais límites de venda a distancia (que serán substituídos por un novo límite de 10.000 euros para toda a UE).
- Disposicións especiais para as empresas que operan no mercado en liña (Marketplace ou plataformas de venda en liña). Estas plataformas dixitais terán a consideración de 'suxeitos pasivos asimilados' e considerarase que recibiron e 'fabricaron' as subministracións que están a vender.
- Supresión da exención do IVE para os envíos de baixo valor e un novo réxime especial para as vendas a distancia de bens importados de terceiros territorios e terceiros países cuxo valor sexa igual ou inferior a 150 euros, coñecido como Portelo Único de Importación ou Import One Stop Shop "IOSS" polas súas siglas en inglés.
- Novas medidas para tratar as vendas a distancia de bens importados noutras circunstancias (cando non se utilice o IOSS).
- Novos requisitos de rexistro para os mercados en liña.

Que transaccións están cubertas polos cambios?

Os cambios afectan á venda a distancia de bens importados á UE desde terceiros territorios ou desde terceiros países por parte de provedores e/ou provedores considerados como suxeitos pasivos asimilados. Os terceiros países inclúen agora a Gran Bretaña, é dicir, Inglaterra, Gales e Escocia, pero non a Irlanda do Norte, que, en virtude do Acordo de Retirada, segue estando suxeita á lexislación da UE en materia do IVE.

Os cambios tamén repercuten nas vendas a distancia intracomunitarias realizadas por provedores ou provedores considerados "suxeitos pasivos asimilados" e nas entregas nacionais de bens realizadas por presuntos provedores dentro dun estado membro.

Por último, as prestacións de servizos realizadas por suxeitos pasivos non establecidos na UE ou por suxeitos pasivos establecidos na UE pero non no estado membro de consumo a persoas que non son suxeitos pasivos (é dicir, consumidores) estarán suxeitas ás novas normas do IVE.

Vendas a distancia – Definicións

A expresión "vendas a distancia intracomunitarias de bens" defínese especificamente na directiva do IVE como "as entregas de bens expedidos ou transportados polo provedor ou no seu nome", mesmo cando o provedor intervén indirectamente no transporte ou na expedición dos bens, desde un estado membro distinto daquel no que finaliza a expedición ou o transporte cara ao destinatario, cando se cumpran as seguintes condicións:

- A entrega de bens realízase para un suxeito pasivo (ou unha persoa xurídica que non sexa suxeito pasivo) e
- os bens entregados non son "medios de transporte novos" nin bens entregados tras a súa montaxe ou instalación.

As "vendas a distancia de bens importados de terceiros territorios ou terceiros países" defínese tamén como "entregas de bens expedidos ou transportados polo provedor ou no seu nome". Isto inclúe os casos nos

que o proveedor intervén indirectamente no transporte ou a expedición dos bens, desde un territorio terceiro ou un terceiro país a un cliente dun estado membro no que tamén se compren as mesmas dúas condicións.

En resumo, as subministracións clasificaranse probablemente como "ventas a distancia" cando o proveedor dos bens estea establecido na UE (pero nun estado membro diferente ao do consumidor) ou estea establecido fóra da UE e o proveedor organice (directa ou indirectamente) a expedición ou o transporte dos bens ao consumidor.

Mercados en liña / Facilitadores

Un mercado facilita o comercio de bens entre o proveedor destes e o consumidor final mediante o funcionamento dunha interface electrónica.

As novas normas que entraron en vigor en xullo de 2021 garantirán que, cando o valor intrínseco dos bens sexa inferior a 150 euros, os "facilitadores" das vendas a distancia de bens importados de terceiros territorios ou, terceiros países (mediante unha plataforma/portal/mercado electrónico ou similar) considerárase que recibiron a entrega dos bens, e que realizaron a entrega de bens en cuestión. Do mesmo xeito, cando un suxeito pasivo facilite unha entrega dentro da UE a un consumidor por parte dun suxeito pasivo non establecido na UE, considerárase tamén que o facilitador realizou e recibiu a entrega de bens en cuestión.

O obxectivo destes cambios é garantir a recadación do IVE nas entregas de bens realizadas por empresas non establecidas na UE.

Réximes especiais

Para simplificar as obrigacións de declaración do IVE e aliviar a carga administrativa dos afectados polos cambios, vanse a modificar ou introducir varios réximes especiais. Modificarase o actual réxime da Unión e o réxime dos non pertencentes á Unión e introducirase un novo réxime de importación.

Co réxime anterior, as empresas que prestaban determinados servizos electrónicos (telefonía, radiodifusión e outros servizos electrónicos) estaban familiarizadas co funcionamento do sistema MOSS, polo que un operador podía rexistrarse nun único estado membro e contabilizar a débeda do IVE noutros estados membros mediante unha única declaración MOSS cunhas casillas para cada Estado membro da UE.

A partir do día 1 de xullo de 2021, o sistema MOSS amplíase a todos os servizos B2C (é dicir, non so os electrónicos) que teñan lugar nun estado membro no que o proveedor non estea establecido.

As MOSS amplíanse tamén ás vendas a distancia intracomunitarias de bens e a determinadas subministracións nacionais de bens. A partir do día 1 de xullo de 2021, as MOSS converteranse, simplemente, no Portelo Único (One Stop Shop 'OSS' polas súas siglas en inglés).